



KERATAN AKHBAR DAN MEDIA ONLINE UNTUK MAKLUMAN :

**Y.B. MENTERI
Y.B. TIMBALAN MENTERI
Y.BHG. KSU
Y.BHG. TKSU (PDN)
Y.BHG. TKSU (PUP)
SETIAUSAHA AKHBAR**

4 JUN 2022 (SABTU)



KEMENTERIAN PERDAGANGAN DALAM NEGERI
DAN HAL EHWAL PENGGUNA

KERATAN AKHBAR DAN MEDIA ONLINE (KPDNHEP)

4 JUN 2022 (SABTU)

KPDNHEP rampas barang jenama ciplak RM94.7j

Putrajaya: Berjuta barangan berjenama terkemuka tiruan bernilai RM94.7 juta dirampas di seluruh negara sejak tahun 2019 hingga Mei lalu.

Ia hasil 1,160 serbuan dan rampasan dilakukan Kementerian Perdagangan Dalam Negeri dan Hal Ehwal Pengguna (KPDNHEP) ke atas pelbagai barangan tiruan yang dijual di pasaran.

Timbalan Menteri Perdagangan Dalam Negeri dan Hal Ehwal Pengguna Datuk Rosol Wahid berkata, rampasan itu dilakukan menerusi 14,187 pemeriksaan di seluruh negara bagi membanteras barangan tiruan dan cetak rompak di bawah Akta Cap Dagangan 2019, ekoran aduan daripada pengguna dan pemilik cap dagangan.

"Ini bagi memastikan kestabilan ekosistem perdagangan domestik bebas daripada penganiayaan terhadap pengeluar produk dan pengguna.

"Apa yang kita ambil berat adalah kita tidak mahu pengguna tertipu dengan membeli barangan tiruan dan terpaksa bayar harga barangan asli," katanya selepas melancarkan aplikasi MyOri SmartSecure dan program Kepenggunaan Pintar di sini, semalam.

Akta Cap Dagangan 2019 memperuntukkan hukuman denda maksimum

RM15,000 untuk setiap barangan bagi kesalahan pertama serta RM30,000 bagi setiap barangan untuk kesalahan kedua dan seterusnya.

Mengenai aplikasi MyOri SmartSecure yang dibangunkan dua syarikat tempatan itu, Rosol berkata penggunaan teknologi internet benda (IoT) dalam menangani barangan tiruan akan meningkatkan tahap kecekapan dalam memastikan pengeluar produk dan pengguna tidak teraniaya.

Aplikasi MyOri SmartSecure boleh dimuat turun secara percuma melalui Google Play dan Apple App Store, yang berfungsi mengimbas pelekat (sticker) MyOri yang terdapat pada produk yang ingin dibeli.

Sticker itu hanya didapati pada bungkusan produk sekiranya syarikat pengeluar mendaftar dengan MyOri Services Sdn Bhd.

"Saya percaya aplikasi ini dapat membela pengeluar produk dan memastikan pengguna membeli produk tulen tanpa rasa was-was," katanya.

“Kita tidak mahu pengguna tertipu beli barangan tiruan bayar harga asli”
Rosol Wahid



CAP: Conduct nationwide
checks to ensure traders
display price tags

➤ PAGE 6

'ONUS IS ON SELLERS'

'ENFORCE PRICE-TAGGING LAW'

Consumers are often overcharged because they don't have a price list to refer to, says CAP

AUDREY DERMAWAN
GEORGE TOWN
audreymd@nst.com.my

THE Consumers' Association of Penang (CAP) has urged the Domestic Trade and Consumer Affairs Ministry to conduct nationwide checks and strictly enforce Section 8(1) of the Price Control Act 1946 (Amendment 1973), which requires traders to display price tags.

CAP president Mohideen Abdul Kader said consumers were often overcharged and they had no price list to refer to when there were disputes about the charges on their bill.

He said CAP's surveys in Penang showed that many traders, especially food stall and restaurant operators, blatantly flouted the Price Control Act.



The promotional price is displayed for packets of flour at a supermarket in Kota Baru recently. FILE PIC

"According to the act, the onus is on the sellers to keep the buyers informed of the prices and the lack of enforcement has hindered the effectiveness of the law.

"In view of this, CAP calls on the ministry to conduct nationwide checks and strictly enforce the laws in accordance with Section 8(1) of the Price Control Act 1946 (Amendment 1973). Any offenders, if caught, should be booked immediately.

"This is more so especially at a time of sharp rise in food prices," he said yesterday.

Mohideen said the main offenders were food stall operators who did not display the prices of food and drinks sold.

Sometimes, he said, they put up price lists that were written in Chinese.

He said second on the list of offenders were restaurants that did not update their price lists.

"Many food outlets have their price list located some distance from where the food is placed.

"Therefore, it is difficult for a customer to know the price of food placed on his plate, which often ends up costing more than his or her budget.

"As such, we want the authorities to strictly enforce the price-tagging law and address the issue once and for all."

Bekalan ayam pulih 2 minggu lagi

Batu Pahat: Bekalan ayam segar di negeri ini dijangka pulih semula dalam tempoh dua minggu lagi.

Pengerusi Jawatankuasa Pelaburan, Perdagangan dan Hal Ehwal Pengguna negeri, Lee Ting Han, berkata sehingga kini, bekalan di Johor mencukupi selain pemantauan terhadap harga kawalan masih diteruskan sehingga 30 Jun ini.

Menurutnya, selain permintaan terhadap ayam menurun selepas musim perayaan, kerajaan turut mengenakan sekatan eksport ayam segar ke luar negara.

"Ia selaras dengan usaha kerajaan yang memberi subsidi, selain mengenakan sekatan daripada segi eksport ke luar negara.

"Kerajaan negeri dalam perancangan membuat me-

kanisme baharu bagi membantu peladang dan rakyat secara keseluruhannya.

"Kementerian Perdagangan Dalam Negeri dan Hal Ehwal Pengguna (KPDNHEP) Johor mengeluarkan sebanyak RM101,300 kompaun membabitkan 42 kes, sejak skim kawalan harga maksimum ayam dikuatkuasakan pada Februari lalu," katanya.

Beliau berkata demikian pada sidang media selepas mengadakan lawatan ke ladang telur di Yong Peng di sini, semalam. Turut hadir, Pengerusi Jawatankuasa Kesihatan dan Perpaduan negeri, Ling Tian Soon.

Dalam perkembangan sama, Ting Han berkata, bekalan telur negeri turut mencukupi dan meminta orang awam tidak melakukan pembelian panik.



HARGA ayam segar di Johor Bahru melonjak kepada RM12 sekilogram berikutan peningkatan kos pengangkutan bahan mentah berkenaan.

Over 3,000 litres of subsidised diesel seized

KOTA KINABALU: Authorities seized 3,715 litres of subsidised diesel that were kept at a Penampang storage facility without licence.

Sabah Domestic Trade and Consumer Affairs Ministry enforcement chief Zulfamy Mat Udi said the raid was conducted at 1.40am yesterday by their enforcement team following two weeks of intelligence work.

Also confiscated were a four-wheel-drive vehicle, tanks in the storage, an electric pump and rubber hose, with the total seizure amounting to RM60,487, he said in a statement.

"When the raid was conducted, a man was inside the said vehicle parked in front of the storage.

"Further checks on the car found five drums of 165 litres of diesel while another 3,550 litres were inside the store, kept in plastic tanks.

"Initial investigation found that

the premises does not have permission or own a valid licence to keep the controlled goods in the location," said Zulfamy.

The case is being investigated under Section 21 of the Control of Supplies Act 1961 for unlawful possession of controlled articles, read together with Regulation 3(1) of the Control of Supplies Regulations 1974.

Zulfamy reminded gas station operators not to sell subsidised diesel and RON95 fuel to consumers who did not possess written approval from the ministry, adding that errant operators could also face action from the authorities.

"We will continue to carry out inspection and monitor such activities regularly to ensure there is no misappropriation involving RON95 and diesel," he said, urging the public to report such illegal activities to the ministry.



Tools of the trade: Officers looking at some of the confiscated items such as this electric pump and rubber hose.

Syarikat mengaku salah tipu saiz gred telur ayam

Telur ayam dilabelkan gred B tapi sebenarnya gred D

MELAKA

Tindakan sebuah ladang yang memalsukan saiz gred telur pada tahun lalu, didenda RM15,000 oleh Mahkamah Sesyen di sini, pada Jumaat.

Hakim Nariman Badruddin menjatuhkan hukuman itu terhadap Syarikat Ladang Ternakan Prudence Sdn. Bhd. yang diwakili pengarah syarikat itu yang membuat pengakuan bersalah selepas pertuduhan

dibacakan.

Mengikut fakta kes, kesalahan itu dikesan selepas sepasukan penguat kuasa Kementerian Perdagangan Dalam Negeri dan Hal Ehwal Pengguna (KPDNHEP) Melaka membuat serbuan di sebuah pasar raya dan mengesyaki telur ayam dilabelkan dengan gred B tetapi sebenarnya adalah gred D.

Pemeriksaan uji timbang dilakukan dan bacaan timbangan telur tersebut adalah antara 0.60 sehingga 0.65 gram di mana berat itu tidak mencukupi untuk dilabelkan dengan gred B.

Siasatan lanjut mendapati kesemua bekalan telur itu diperolehi dari Ladang Ternakan Prudence Sdn. Bhd.

Berdasarkan pertuduhan, syarikat terbabit didapati telah



Wakil syarikat ketika keluar dari Mahkamah Sesyen Melaka pada Jumaat.

membekalkan 50 unit LTP Corn Egg Gred B 30'S yang menggunakan suatu perihal dagangan palsu berkaitan saiz telur ayam gred B yang tidak mengikut Malaysian Standard MS680:2013.

Perbuatan itu dilakukan pada di sebuah pasar raya di Malim, pada 22 Oktober 2021.

Mahkamah turut menetapkan hukuman atau penjara tiga bulan jika gagal menjelaskan bayaran. - Bernama

Sebuah syarikat ladang ternakan didenda RM15,000 di Mahkamah Sesyen Melaka

Padah jual telur guna saiz gred palsu

Oleh DIYANATUL
ATIQA ZAKARYA

MELAKA – Padah menjual telur dengan saiz gred palsu, sebuah syarikat ladang ternakan didenda RM15,000 oleh Mahkamah Sesyen di sini semalam selepas mengaku salah atas perbuatan itu, tahun lalu.

Hakim, Nariman Badruddin menjatuhkan hukuman itu terhadap syarikat Ladang Ternakan Prudence Sdn. Bhd. yang membuat pengakuan tersebut selepas pertuduhan dibacakan oleh jurubahasa mahkamah.

Mengikut pertuduhan, syarikat tersebut didapati telah membekalkan 50 unit LTP Corn Egg Gred B 30'S yang menggunakan suatu perihal dagangan palsu berkaitan saiz telur ayam gred B yang tidak mengikut Malaysian Standard MS680:2013.

Tindakan itu dilakukan pada pukul 10.48 pagi di sebuah pasar raya Angee Wholesale Sdn. Bhd. di dalam daerah Melaka Tengah pada 22 Oktober 2021.

Bagi kesalahan itu, syarikat terbabit didakwa mengikut Seksyen 5(1)(b) Akta Perihal Dagangan 2011 dan dibaca bersama



WAKIL syarikat (kiri) diiringi pegawai KPDNHEP Melaka selepas dihadapkan di Mahkamah Sesyen Melaka semalam.

Seksyen 6(1)(b) akta sama dan boleh dihukum di bawah Seksyen 5(1)(A) akta sama.

Sabit kesalahan, denda sehingga RM250,000 boleh dikenakan dan tidak lebih RM500,000

bagi kesalahan kedua atau berikutnya.

Mengikut fakta kes, kesalahan

itu dikesan selepas sepasukan penguat kuasa Kementerian Perdagangan Dalam Negeri dan Hal Ehwal Pengguna (KPDNHEP) Melaka membuat serbuan di pasar raya terbabit dan mengesyaki telur ayam dilabelkan dengan gred B sebenarnya adalah gred D.

Pemeriksaan uji timbang dilakukan dan bacaan timbangan telur berkenaan adalah antara 0.50 sehingga 0.56 gram di mana berat tersebut tidak mencukupi untuk dilabelkan dengan gred B seperti ditetapkan Malaysian Standard Fresh Chicken Eggs Specification MS680:2013.

Hasil siasatan lanjut mendapati, kesemua bekalan telur itu telah diperolehi daripada Ladang Ternakan Prudence Sdn. Bhd.

Terdahulu, wakil syarikat merayu hukuman diringankan dengan alasan telah mengakui kecuai dilakukan dan perkara itu adalah pertama kali berlaku sepanjang 10 tahun menjalankan perniagaan, selain berdepan cabaran kenaikan kos operasi.

Pegawai Pendakwa KPDNHEP, Muhamad Ashraf Nashruddin Ahmad Nazri bagaimanapun memohon hukuman setimpal sebagai pengajaran.

*Harga (RM/kg) Sumber: KPDNHEP